

Jarðboranir hf.
Dalshrauni 1b
220 Hafnarfjörður

Reykjavík, 8. nóvember 2023
UST202311-017/R.K.
08.04

Efni: Bráðabirgðaheimild – Jarðboranir hf.

Vísað er til erindis *Jarðborana hf.* til Umhverfisstofnunar, dags. 1. nóvember 2023, þar sem sótt er um bráðabirgðaheimild fyrir *Jarðboranir fyrir háhitaborun, RN-38*, skv. 7. gr. a. laga nr. 7/1998 um hollustuhætti og mengunarvarnir. Fram kemur í erindinu að vegna náttúruvár og öryggis búnaðar og starfsmanna sem og annarra orsaka hafi þurft að breyta röð borana á svæðinu en jarðborinn Þór er tilbúinn á borstað RN-38. Því er óskað eftir bráðabirgðaheimild til þess að hefja boranir á RN-38 áður en starfsleyfi liggur fyrir hjá heilbrigðisnefnd Suðurnesja, en starfsleyfistillagan er í auglýsingu.

Í 7. gr. a. laga nr. 7/1998 um hollustuhætti og mengunarvarnir kemur fram að Umhverfisstofnun er heimilt í sérstökum undantekningartilvikum, þegar brýn þörf er á að hefja eða halda áfram starfsemi sem heyrir undir lög þessi, að veita rekstraraðila bráðabirgðaheimild að hans beiðni fyrir starfseminni. Umhverfisstofnun skal eftir atvikum leita umsagnar hlutaðeigandi heilbrigðisnefndar og annarra aðila eftir því sem við á. Heyri starfsemin undir lög um umhverfismat framkvæmda og áætlana er skilyrði að fyrir liggi mat á umhverfisáhrifum vegna starfseminnar eða niðurstaða um matsskyldu hennar.

Umhverfisstofnun sendi erindið til umsagnar heilbrigðisnefndar Suðurnesja.

Í umsögn heilbrigðiseftirlits Suðurnesja kemur fram að fullnægjandi umsókn hafi borist frá Jarðborunum hf. sem hafi verið kynnt heilbrigðisnefnd Suðurnesja. Jafnframt segir að tillaga að starfsleyfi sé í auglýsingu og er embættið hlynnt því að Jarðboranir fái bráðabirgðaheimild fyrir starfsemina þrátt fyrir að auglýsingatíma tillögunar sé ekki lokið. Engar athugasemdir höfðu borist við tillöguna þann 6. nóvember 2023. Í umsögn heilbrigðisnefndar segir jafnframt að embættið fallist á rökfærslur um þá brýnu nauðsyn sem Jarðborannir segja upp komna vegna tilfærslu á borstað vegna óvissustigs Almannavarna við Þorbjörn og þeirra staðreyndar að borinn og borteymið standa aðgerðalaus á næsta borstað vegna þess, sem sé soun á mannskap og verðmætum.

Í ljósi framangreinds, umsagnar heilbrigðisnefndar, þess að fram er komin fullnægjandi starfsleyfisumsókn og í samræmi við 7. gr. a. laga nr. 7/1998 um hollustuhætti og mengunarvarnir, **fellst Umhverfisstofnun á að veita *Jarðborunum hf., kt. 590286-1419***

bráðabirgðaheimild vegna háhitaborunnar á RN-38. Undanþága þessi gildir þar til starfsleyfi hefur verið gefið út en þó eigi lengur en til *31. desember 2023*.

Jarðboranir hf. skulu fara að skilyrðum sem fram koma í lögum nr. 7/1998 um hollustuhætti og mengunarvarnir reglugerð nr. 550/2018 um losun frá atvinnurekstri og mengunarvarnaeftirlit og almennum starfsleyfisskilyrðum heilbrigðisnefndar Suðurnesja fyrir mengandi starfsemi og samkvæmt auglýstri tillögu að starfsleyfi <https://hes.is/starfsleyfisskilyrði-fyrir-jarðboranir-hf-i-grindavik-ofan-haleyjabungu/>. Haga skal starfsemi í samræmi við gildandi skipulagsáætlanir.

Heilbrigðisnefnd Suðurnesja fer með mengunarvarnaeftirlit skv. XIV. kafla laga nr. 7/1998 með starfseminni. Rekstraraðili ber ábyrgð á kostnaði af eftirliti eftirlitsaðila. Ber fyrirtækinu að fylgja fyrirmælum nefndarinnar um kröfur og starfshætti sem varða mengunarvarnir framkvæmdarinnar. Nefndin getur beitt þvingunarúrræðum skv. XVII. kafla laga nr. 7/1998 ef frávik verða frá skilyrðum bráðabirgðaheimildarinnar. Þá mun nefndin upplýsa Umhverfisstofnun um frávik sem til álita kemur að beita stjórnvaldssektum, sbr. 2. mgr. 55. gr. laga nr. 7/1998.

Heilbrigðisnefnd Suðurnesja skal birta bráðabirgðaheimild þessa á vefsíðu sinni sem og eftirlitsskýrslur henni tengdar.

Umhverfisstofnun mun innheimta gjald fyrir vinnu við gerð bráðabirgðaheimildar skv. gildandi gjaldskrá stofnunarinnar á hverjum tíma.

Ákvörðun Umhverfisstofnunar um veitingu bráðabirgðaheimildar er kæránleg til úrskurðarnefndar umhverfis- og auðlindamála innan eins mánaðar frá dagssetningu þessa bréfs, skv. 65. gr. laga nr. 7/1998, sbr. 4. gr. laga nr. 130/2011.

Virðingarfyllst,

Ríkey Kjartansdóttir
sérfræðingur

Skúli Þórðarson
sviðsstjóri